



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1108/25-3
Sarajevo, 28.5.2025. godine

**ČLANOVIMA
PARLAMENTARNE KOMISIJE
ODGOVORNE ZA REVIZIJU**

Dana 28.5.2025. godine održana je 17. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovali su svi članovi Komisije, samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 17. sjednici prisustvovala je i Nina Džidić, zamjenica generalnog revizora Ureda za reviziju institucija u Federaciji BiH.

Predsjednik Komisije je predložio **dnevni red** koji je jednoglasno usvojen, a koji glasi:

1. Usvajanje zapisnika s 16. sjednice Parlamentarne komisije odgovorne za reviziju,
2. Pregled pristiglih odgovora revidiranih subjekata dostavljenih po Izvještaju Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije BiH za 2021., 2022. i 2023. godinu, broj: 04/1-02-706/25-1 od 26.3.2025. godine,
3. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. Usvajanje zapisnika s 16. sjednice Parlamentarne komisije odgovorne za reviziju

Komisija je razmatrala zapisnik s 16. sjednice Parlamentarne komisije odgovorne za reviziju i jednoglasno ga usvojila.

2. Pregled pristiglih odgovora revidiranih subjekata dostavljenih po Izvještaju Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije BiH za 2021., 2022. i 2023. godinu

Predsjednik Komisije upoznao je članove Komisije sa drugom tačkom dnevnog reda, odnosno sa dostavljenim odgovorima revidiranih subjekata koji su dostavili svoj odgovor po Izvještaju Komisije. Rok za dostavljanje odgovora u skladu sa Zaključkom broj 8 usvojenog Izvještaja

bio je 30.4.2025. godine, gdje su revidirani subjekti bili u obavezi da dostave svoj izvještaj o poduzetim aktivnostima na implementaciji preporuka datih u izvještajima Ureda za reviziju institucija u F BiH za 2023. godinu, zaključno sa 28.2.2025. godine. Ukupan broj revidiranih subjekata koji su obuhvaćeni zaključcima u usvojenom izvještaju Komisije, a kojima je putem maila dostavljen izvještaj je šezdesetisedam (67) revidiranih subjekata. U ostavljenom roku ukupan broj revidiranih subjekata koji je dostavio svoj odgovor je dvadesetijedan (21) subjekt i to : Federalno ministarstvo obrazovanja i nauke, Agencija za vodno područje rijeke Save, Zavod zdravstvenog osiguranja i reosiguranja Federacije BiH, Hrvatske pošte d.o.o. Mostar, Parlament Federacije BiH, Rudnik mrkog uglja "Breza" d.o.o. Breza, Federalno ministarstvo pravde, FERK, Fond za rehabilitaciju i zapošljavanje osoba sa invaliditetom, Iskrameco d.o.o. Sarajevo, Ceste d.d. Mostar, Energoinvest d.d. Sarajevo, J.P. Hrvatske telekomunikacije d.d. Mostar, J.P. Elektroprivreda HZHB d.d. Mostar, Klinički centar Univerziteta u Sarajevu, Kazneno popravni zavod Mostar, Unis Ginex d.d. Goražde, J.P. Ceste Federacije BiH Sarajevo, Federalni zavod za zapošljavanje, Porezna uprava Federacije BiH i Agencija za vodno područje Jadranskog mora.

Nakon detaljnog izlaganja predsjednika Komisije, otvorena je rasprava, a za riječ se prva javila g-đa. Mirjana Marinković-Lepić koja je obrazložila pristigle odgovore, te iznijela činjenicu da bi bilo dobro da revidirani subjekti imaju unificirani obrazac, koji bi koristili prilikom dostavljanja svojih odgovora Komisiji, kako bi se na što efikasniji i pregledniji način moglo utvrditi koje su se aktivnosti poduzimale od strane revidiranih subjekata po datim preporukama Ureda za reviziju institucija u Federaciji BiH. Nakon rasprave u kojoj su učestvovali skoro svi prisutni, donijet je sljedeći:

Zaključak:

Zadužuje se sekretar Komisije, da za narednu sjednicu pripremi prijedlog obrazca za dostavljanje odgovora revidiranih subjekata Komisiji o poduzetim aktivnostima po datim preporukama Ureda za reviziju institucija u Federaciji BiH, koji će se nakon usvajanja uz dopis dostaviti revidiranim subjektima.

3. Tekuća pitanja

Nije bilo rasprave pod ovom tačkom dnevnog reda.

